



ԸՆԹԵՐՑՈՒՄ
ԵՍԱՅԻ ՄԱՐԳԱՐԷԻ ԳԻՐԲԷՆ
(37.14-38)

Եզեկիա պատգամաւորներուն ձեռքէն առաւ նամակը, եւ կարգալէ ետք գնաց Տիրոջ տաճարը մտաւ եւ Տիրոջ առջեւ փռեց զայն: Ապա Եզեկիա Տիրոջ աղօթեց, ըսելով. «Ո՛վ Երկնաւոր Զօրքերու Տէր, Իսրայէլի Աստուածը, որ քերովբէներէն վեր կը նստիս. դո՛ւն ես միակ Աստուածը աշխարհի բոլոր թագաւորութեանց, որովհետեւ երկինք ու երկիր դո՛ւն ստեղծեցիր: Ականջ տուր եւ լսէ՛, Տէ՛ր, նայէ եւ տե՛ս այն պատգամը որ Սենեքերիմ թագաւորը զրկեց՝ նախատելու համար քեզ, որ կենդանի Աստուածն ես: Իրաւ է որ Ասորեստանի թագաւորները ամբողջ աշխարհը աւերեցին եւ բոլոր ժողովուրդներու կուռքերը այրեցին, որովհետեւ անոնք աստուածներ չէին, այլ մարդոց ձեռքով շինուած փայտ ու քար էին եւ ուստի փճացան: Բայց դուն, ո՛վ Տէր, մեր Աստուածը, ազատէ՛ մեզ անոր ձեռքէն, որպէսզի աշխարհի բոլոր թագաւորութիւնները ճանչնան թէ միայն դո՛ւն ես Աստուածը»:

Այն ատեն Աստուած Ամոսի որդի Եսային զրկեց Եզեկիային մօտ, եւ անիկա գալով, ըսաւ. «Այսպէս կ'ըսէ տէրը, Իսրայէլի Աստուածը. – Լսեցի ինչ որ աղօթքով խնդրեցիր ինձմէ Ասորեստանի Սենեքերիմ թագաւորին համար: Ահա, Աստուած այսպէս կ'ըսէ անոր.

«Սիոն քաղաքը, որ չկրցար գրաւել, պիտի անարգէ եւ արհամարհէ քեզ, Երուսաղէմի բնակչու թիւնը պիտի հեզնէ ու ծաղրէ քեզ: Գիտե՞ս դուն՝ ո՛վ նախատեցիր ու գրգռեցիր, որո՛ւ դէմ յոխորտացիր. դուն արհամարհանքով նայեցար Իսրայէլի Սուրբ Աստուծոյն որ բարձունքներուն մէջ կը բնակի. քու պատգամաւորներուդ միջոցաւ Տէ՛րը նախատեցիր: Պարծենալով ըսիր. “Իմ բազմաթիւ կառքերովս մինչեւ լեռներու կատարը բարձրացայ, մինչեւ Լիբանանի գագաթները ելայ եւ կոտրեցի անոր մայրիներուն հպարտութիւնը, անոր նոճիներուն գեղեցկութիւնը, եւ հասայ

մինչեւ հեռաւոր խորքը անտառին: Ուզած տեղս կամուրջ նետեցի, եւ ուզած տեղս գետերն ու լիճերը ցամքեցուցի”: Չե՞ս լսած թէ աշխարհը կ'ս ստեղծեցի կանուխէն եւ կ'ս կարգաւորեցի զայն ժամանակի սկիզբէն. եւ հիմա կ'ս ուզեցի որ դուն ազգերն ու իրենց ամրոցները աւերես. կ'ս էի քաղաքներու եւ բերդերու բնակիչները ձեռքդ յանձնողը: Չեռքս վերցուցի անոնց վրայէն, եւ իսկոյն չորցան, տանիքին չորցած խոտին պէս եղան, կամ՝ հունձքէն առաջ չորցած սէզլին պէս: Արդ, ես գիտեմ՝ դուն ո՛ւր կը հանգչիս, դէպի ո՛ւր կ'երթաս եւ ուրկէ կու գաս: Ինձի հանդէպ արտայայտած քու զայրոյթիդ եւ թափած դառնութեանդ համար՝ բերանակապ պիտի անցընեմ դունչիդ, սանձ պիտի դնեմ կզակիդ, եւ քեզ եկած ճամբովդ ետ պիտի դարձընեմ”:

Իսկ քեզի, ո՛վ Եզեկիա, Տէրը այսպէս կ'ըսէ. Հետեւեալը քեզի նշան թող ըլլայ. – այս տարի անցեալ տարուան ցանքը պիտի ուտէք, իսկ գալ տարի՝ ինչ որ մնացած գտնէք. երբ երրորդ տարին գայ՝ պիտի սերմանէք ու հնձէք, այգի պիտի տնկէք եւ անոր պտուղը վայելէք: Ժողովուրդին մնացորդը դարձեալ արմատ պիտի նետէ իր հողին վրայ եւ պտուղ պիտի տայ: Այդ մնացորդը՝ Երուսաղէմ ապաստանողները պիտի ըլլան, որոնք իրենց փրկութիւնը պիտի գտնեն Սիոն լեռան վրայ:

Երկնաւոր Զօրքերու Տէրը նախանձախնդրութեամբ պիտի կատարէ այս խոստումները: Այդ պատճառով ալ, Տէրը այսպէս կ'ըսէ Ասորեստանի թագաւորին մասին. «Անիկա այս քաղաքը պիտի չմտնէ. ո՛չ նեո պիտի արձակէ ասոր վրայ, ո՛չ վահաններով պիտի յարձակի եւ ո՛չ ալ պատնէչներով քաղաքը պիտի պաշարէ. եկած ճամբով ետ պիտի երթայ եւ այս քաղաքը պիտի չմտնէ: Ես պիտի պաշտպանեմ եւ ազատեմ այս քաղաքը, ինձի եւ իմ ծառայիս՝ Դաւիթին համար», – կ'ըսէ Տէրը:

Նոյն գիշերն իսկ Տիրոջ հրեշտակը եկաւ եւ ասորեստանցիներու բանակէն հարիւր ութսունհինգ հազար մարդ կոտորեց. բանա-

կայինները երբ առաւօտուն ելան, զանոնք բոլորը մեռած գտան: Սենեքերիմ թագաւոր հոնկէ ելաւ եւ վերադարձաւ իր տունը, Նինուէ: Եւ երբ օր մը իր հովանաւոր աստուծոյն՝ Նասրաքի տաճարին մէջ երկրպագութիւն կ'ընէր, իր երկու զաւակները՝ Ադրամելէք եւ Սարասար, զինք սուրով սպաննեցին եւ փախան Հայաստան գացին: Իսկ Սենեքերիմի տեղ թագաւորեց իր տղան՝ Ասորդանը:

**ՊՕՂՈՍ ԱՌԱՔԵԱԼԻ
ԹԵՍԱՂՈՆԻԿԵՑԻՆԵՐՈՒՆ ԳՐԱԾ
ԵՐԿՐՈՐԴ ՆԱՄԱԿԷՆ**

(1.1-12)

Սենք՝ Պօղոս, Սիղուանոս եւ Տիմոթէոս, կը գրենք ձեզի՝ թեսաղոնիկեցիներու եկեղեցիին որ մեր Հօր Աստուծոյ եւ Տէր Յիսուս Քրիստոսի կը պատկանի: Թող Աստուած մեր Հայրը եւ Տէր Յիսուս Քրիստոս շնորհք եւ խաղաղութիւն պարգեւեն ձեզի:

Եղբայրներ, պարտք կը զգանք եւ արդար կը գտնենք ձեզի համար միշտ գոհութիւն յայտնել Աստուծոյ, որովհետեւ ձեր հաւատքը հետզհետէ աւելի կ'աճի եւ ձեզմէ իւրաքանչիւրին սէրը իրարու հանդէպ աւելի կը խորանայ: Աստուծոյ եկեղեցիներուն մէջ մենք կը պարծենանք ձեզմով, այն համբերութեան եւ հաւատքին համար՝ որ դուք ցուցաբերեցիք ձեր կրած բոլոր հալածանքներուն եւ նեղութիւններուն մէջ: Ձեր այդ համբերութիւնը եւ հաւատքը ապացոյցը պիտի ըլլան Աստուծոյ արդար դատաստանին, որովհետեւ դուք արժանի պիտի ըլլաք Աստուծոյ արքայութեան, որուն համար այդքան կը տանջուիք: Արդարեւ, Աստուծոյ համար արդարութիւն պիտի ըլլայ ձեզ չարչարողները տանջանքով պատժել, իսկ ձեզի՝ տանջուածներուդ, հանգիստ պարգեւել մեզի հետ միասին, երբ մեր Տէրը Յիսուս հրեշտակներու իր բանակով երկինքէն յայտնուի: Անիկա բոցավառ կրակով պիտի պատժէ անոնք՝ որոնք կը մերժեն զԱստուած ճանչնալ եւ հնազանդիլ մեր Տիրոջ Յիսուս Քրիստոսի աւետարանին: Այն օրը այդպիսիները յաւիտենական մահուամբ պիտի պատժուին, զրկուելով Տիրոջ ներկայութենէն եւ անոր փառաւոր զօրութենէն, երբ անիկա գայ իր սուրբերուն մէջ փառաւորուելու եւ բոլոր իրեն հաւատացողներուն հիացումի առարկան ըլլալու: Այն օրը պիտի գիտնաք թէ ճշմարիտ էր ինչ որ յայտնեցինք ձեզի: Ահա թէ ինչու միշտ կ'աղօթենք ձեզի համար, որպէսզի Աստուած ձեզ արժանի ընէ այդ կոչումին, իր զօրութեամբ կատարէ

ձեր բոլոր բարի փափաքները եւ արդիւնաւորէ ձեր հաւատքը, որպէսզի ձեզմով փառաւորուի մեր Տիրոջ Յիսուս Քրիստոսի անունը, եւ դուք փառաւորուիք իրմով, մեր Աստուծոյն եւ Տիրոջ Յիսուս Քրիստոսի պարգեւած շնորհքովը:

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՂՈՒԿԱՍԻ
(14.12-24)**

Այա Յիսուս տանտիրոջ ըսաւ. «Երբ ճաշի կամ ընթրիքի հրաւէր կու տաս, մի՛ կանչեր բարեկամներդ կամ եղբայրներդ, որպէսզի չըլլայ որ անոնք ալ քու հրաւէրիդ փոխարէն քեզ հրաւիրեն, եւ այս ձեւով քեզի հատուցում կատարած ըլլան: Ընդհակառակը, երբ ընդունելութիւն կը սարքես, կանչէ աղքատներն ու խեղանդամները, կողերն ու կոյրերը եւ այն ատեն երանելի պիտի ըլլաս, որովհետեւ անոնք քեզի փոխարէնը հատուցանելիք ոչինչ ունին: Եւ գիտցած եղիր, որ հատուցումդ պիտի ստանաս արդարներու յարութեան ժամանակ»:

Երբ սեղանակիցներէն մէկը այս խօսքերը լսեց, ըսաւ Յիսուսի. «Երանի՛ անոր որ Աստուծոյ արքայութեան մէջ ճաշ պիտի ուտէ»:

Յիսուս անոր հետեւեալ առակը պատմեց.
«Մարդ մը կար որ մեծ ընթրիք մը սարքեց եւ շատեր հրաւիրեց: Ընթրիքի ժամուն իր ծառան ղրկեց, որպէսզի հրաւիրեալներուն ըսէ. “Եկէ՛ք, ամէն ինչ պատրաստ է արդէն”: Հրաւիրեալները սկսան մէկ առ մէկ հրաժարիլ: Առաջինը ըսաւ. “Արտ մը գնեցի. պէտք է երթամ եւ տեսնեմ զայն. հետեւաբար կը խնդրեմ որ ներողամիտ գտնուի”: Միւսը ըսաւ. “Հինգ գոյգ եզ գնեցի. պէտք է երթամ փորձեմ զանոնք. հետեւաբար կը խնդրեմ որ ներողամիտ գտնուի”: Ուրիշ մը ըսաւ. “Տակաւին նոր ամուսնացայ. հետեւաբար չեմ կրնար գալ”: Ծառան վերադարձաւ եւ իր տիրոջ պատմեց անոնց ըսածները: Այն ատեն տանտէրը վրդոված՝ ըսաւ ծառային. “Անմիջապէս քաղաք գնա եւ հրապարակներուն ու փողոցներուն մէջ ո՛րքան որ աղքատ, խեղանդամ, կաղ եւ կոյր տեսնես, բոլորն ալ հո՛ս բեր”: Քիչ ետք ծառան վերադառնալով իր տիրոջ ըսաւ. “Տէ՛ր, հրամանդ կատարեցի, բայց տակաւին տեղ կայ”: Տէրը ծառային հրամայեց. “Քաղաքէն դուրս գնա եւ ճամբաներուն վրայ ու դաշտերուն մէջ ո՛վ որ գտնես, ստիպէ որ գայ, որպէսզի տունս լեցուի: Կ'ըսեմ ձեզի, որ առաջին հրաւիրեալներէն ո՛չ մէկը ինծի հետ ընթրիքի պիտի նստի”»:

Անդրադարձներ Եւ Խորհրդածույթիւններ

Յիսուս միշտ կը հրաւիրէ իւրաքանչիւր որ ուշադրութեամբ նայելու, թէ ի՛նչպէս կ'ընդունի Աստուծոյ Խօսքը: Ըստ Սերմնացանի առակին, կան ընդունելու չորս վիճակներ: Առաջին կը նմանի ճամբու եզերքի, ուր ինկած Աստուծոյ Խօսքին սերմնահատիկները ոտքի կոխան կ'ըլլան, եւ թռչունները կու գան եւ կ'ուտեն զանոնք: Երկրորդը կը նմանի ժայռոտ տեղի վրայ չոր հողի, ուր ինկած սերմնահատիկները հազիւ բուսած՝ կը չորնան: Երրորդը կը նմանի փուշոտ տեղի, ուր ինկած սերմնահատիկները փուշերու հետ միասին կը բուսնին, եւ վերջն ալ կը խեղդուին փուշերէն: Չորրորդ վիճակը կը նմանի լաւ հողին, ուր ինկած սերմնահատիկները կը բուսնին եւ բազում հատիկներով հասկեր կը կազմեն: Ուրեմն, ճգնիլ ըլլալու լաւ հող:

Լաւ հողը այն է, որ մաքրուած է, մշակուած է: Աստուած կը մաքրէ եւ կը մշակէ հոգիներուն հողերը: Բայց հոգիներուն հողերը մաքրելն ու մշակելը միայն Աստուծոյ գործը չէ: Մարդիկ իրենք ալ իրենց հոգիներուն համար ընելիք ունին, ընելիք՝ ըստ Աստուծոյ Կամքին եւ Աստուծոյ հետ համագործակցաբար: Ինչպէ՛ս: Աստուծոյ Խօսքը սորվելով, զայն գործադրելով: Սորվիլ եւ գործադրել: Ո՛չ թէ՛ միայն սորվիլ, կամ՝ միայն գործադրել: Այլ՝ միաժամանակ: Չայն սորվելով գործադրելը՝ իւրացնել է թէ՛ սորվիլը եւ թէ՛ գործադրելը, որպէսզի ամէն որ տեսնէ, թէ օրհնեալ է Աստուած, որ «երկնքի մէջ ամէն տեսակի հոգւոր օրհնութեամբ» կը լիացնէ աշակերտութիւնը:

ԳՔ

Կիրակի, 15 Դեկտեմբերին

**Ս. ՅԱԿՈԲ ՄԾԲՆԱՅԻ ՀԱՅՐԱՊԵՏԻ
ՏՕՆԻՆ ԱՌԻԹՈՎ**

1

Կը պատարագէ եւ կը պատգամէ
ԳԵՐՇ. Տ. ԲԱԲԳԷՆ ԱՐՔ. ՉԱՐԵԱՆ
Առաջնորդ Գանատայի Հայոց Թեմին
Սկիզբ ժամերգութեան՝ ժամը 9.30
Սկիզբ Ս. Պատարագի՝ ժամը 10.30
Եկեղեցոյ արական երգչախումբը
Կոմիտասեան Ս. Պատարագի
երգեցողութիւն կը մատուցէ

2

ՕՐՀՆՈՒԹԻՒՆ ՄԱՏԱՂԻ՝
ժամը 13.00

Փոխան մատաղի կը խնդրուի
Նուիրատուութիւն կատարել եկեղեցոյ





**ՈՂՈՐՄՈՒԹԵԱՆ ԿԱՆՉ ՄԸ
ԱՊՈԹՔԱԵՐ ԸԷՆՔԱԻԷՆ**

ՀԵՊԻՆԱՅ՝ ՀԷՆՐԻ ՆՈՒԸՆ

ԹԽԲԳՃԱՆՈՒԹԻԷՆ՝ ԿԱՐՕ ՄՐԿ. ՆՈՒՍՈՒՏԵԱՆԻ

ՓԱՐԱՏՈՒՄ ԿԱՍԿԱԾԻ

Քաղցր Տէր, աշակերտդ Պետրոս ուզեց գիտնալ, թէ ով պիտի դաւանանէ քեզի: Նախ Յուդային ակնարկեցիր եւ քիչ ետք՝ նաեւ իրեն: Յուդան քեզի դաւանանեց, իսկ Պետրոս ուրացաւ քեզ: Յուդան ինքզինք կախեց, Պետրոս դարձաւ առաքեալը, որ հաւասարներու մէջ առաջինը կարգեցիր: Տէր, տուր ինձի հաւատք՝ անվերջ ողորմութեանդ, անսահման ներողութեանդ,

անճանալի բարութեանդ: Տուր որ չփորձուիմ մտածելու, թէ մեղքերս չներուելու աստիճան մեծ են, եւ ողորմութեանդ չդաշելու աստիճան՝ զգուելի: Տուր որ երբեք քեզմէ չփախչիմ, այլ քեզի վերադառնամ նորէն ու նորէն, խնդրելով որ Տէրս ըլլաս, Հովիւս, Ամրոցս ու Ապաստանս:

Հովանիիդ տակ առ զիս, ով Տէր, տուր որ գիտնամ թէ դուն զիս չես մերժեր՝ այնքան ատեն որ ներողամտութիւնդ կը խնդրեմ: Թերեւս ներողամտութեանդ մասին կասկածս աւելի մեծ մեղք է, քան այն մեղքերը որոնք աններելի կը համարեմ: Թերեւս ինքզինքս շատ կարեւոր, շատ մեծ կը համարեմ՝ երբ կը կարծեմ որ այլեւս չեմ կրնար ողջագուրուիլ քու կողմէդ:

Տէր, ինձի նայիր, ընդունէ աղօթքս, այնպէս ինչպէս ընդունեցիր Պետրոսի աղօթքը, եւ թոյլ մի տար որ գիշերուան մէջ քեզմէ փախչիմ՝ Յուդային պէս: Աւագ այս շաբթուան ընթացքին՝ օրինէ զիս Տէր, եւ շնորհը տուր՝ աւելի մտերմօրէն ճանչնալու քու սիրող ներկայութիւնդ: Ամեն:

(Շար. 27)

Ս. ՅԱԿՈՒԻ ՈՒԽՏԻ ՇԱԲԱԹ

- 1
Ս. ՊՍԱՐԳԻ ՄԱՍԻՆ Ա. Պատաստութիւն
Չորեքշաբթի, 11 Պեկտեմբերի ժամը 19.00-ին,
յետ ամփոփ ժամերգութեան
- 2
Ս. ՊՍԱՐԳԻ ՄԱՍԻՆ Բ. Պատաստութիւն
Քիւզաբթի, 12 Պեկտեմբերի ժամը 19.00-ին,
յետ ամփոփ ժամերգութեան
- 3
Ս. ՊՍԱՐԳԻ ՄԱՍԻՆ Գ. Պատաստութիւն
Ուրբաթ, 13 Պեկտեմբերի ժամը 19.00-ին,
յետ ամփոփ ժամերգութեան
- 4
Ս. ՊՍԱՐԳԻ ՄԱՍԻՆ Դ. Պատաստութիւն
Շաբաթ, 14 Պեկտեմբերի ժամը 19.00-ին,
յետ ամփոփ Նախատեսակի
- 5
Կիրակի, 15 Պեկտեմբերին
Ս. ՅԱԿՈՒ ՄԹԵԱՅԻ ՊԱՅՐԱԳԵՏԻ ՏՕՒՆ ԱՌԻՅՈՎ
կը պատարագէ եւ կը պատգամէ
ԳԵՐՇ. Տ. ԲԱՐԳԷՆ ԱՐԷ ՉԱՐԵԱՆ,
Առաջնորդ Գանատայի Քայլոց Թեմին
Ակիոր ժամերգութեան՝ ժամը 9.30
Սկիզբ Ս. Պատարագի՝ ժամը 10.30
Եկեղեցւոյ արական երգչախումբը
Կովիտասեան Ա. Պատարագի երգեցողութիւն կը մատուցէ
ՕՐՀՆՈՒԹԻՒՆ ՄԱՍՆԻ՝ ժամը 13.00

Փոխան մատարի կը խնդրուի նուիրատուութիւն կատարել եկեղեցւոյ